

3.7. 3. ICYICIRO CYA III: Inyamaswa n'ibinyabiziga bikururwa n'inyamaswa

Ingingo ya 82:

1. Iyo amatara yateganyijwe mu ngingo ya 76 adashobora gushyirwa ku kinyabiziga bitewe n'imiterere yacyo cyangwa n'imizigo gitwaye, umuherekeza agomba gutwara ku ruhande rw'imberere kandi ibumoso bw'ikinyabiziga, itara ryera cyangwa ry'umuhondo rimurika ryerekeza imbere, naho umuherekeza wa kabiri agatwara ku rundi ruhande rw'inyuma ibumoso bw'ikinyabiziga, itara ritukura rimurika ryerekeza imbere.
2. **Kuva bwije kugeza bukeye umuyobozi w'inyamaswa** zikurura cyangwa izikorera ibintu zitaziritse cyangwa amatungo, biri mu nzira nyabagendwa agomba gutwara itara ry'urumuri rwera cyangwa rw'umuhondo ribonesha ku mpande zose.
3. Iyo umukumbi ugizwe n'amatungo maremare arenze ane cyangwa amatungo magufi arenze atandatu ugaragazwa: n'itara ry'urumuri ryera cyangwa umuhondo ritwawe imbere y'umukumbi, n'itara ry'urumuri rutukura ritwawe inyuma y'uwo mukumbi.

3.8. UMUTWE WA VIII: Andi mategeko

3.8.1. ICYICIRO CYA I: Amahoni

Ingingo ya 83:

1. Ibinyabiziga bigiye kuvugwa bigomba kuba bifite ibikoresho by'ihoni byumvikanira:
 - Ku ntera ya metero 100 ku binyabiziga bigendeshwa na moteri, iyo ntera igashobora kungana na Metero 50, iyo umuvuduko w'ibinyabiziga bidapakiye udashobora kurenga kirometero 50 mu Isaha ahategamye.
 - Ku ntera ya metero 20 kuri velomoteri.

Amahoni y'ibinyabiziga bigendeshwa na moteri agomba kohereza ijwi ry'injyana imwe, rikomeza Kandi ridacengera amatwi.

2. Ibinyabiziga ndakumirwa kimwe n'ibinyabiziga bikora mu muhanda, bishobora kugira ihoni ridasanze ridahuje n'ibiteganywa muri iki gika uretse ihoni riteganywa mu gika cya mbere

3.8.2. ICYICIRO II: Uturebanyuma

Ingingo ya 84

Ikinyabiziga cyose kigendeshwa na moteri kigomba kugira nibura *akarebanyuma* gateye kuburyo umuyobozi uri ku ntebe ashobora *kugenzura ibigendera mu muhanda inyuma n'ibumoso bw'ikinyabiziga nko kubona ikindi kinyabiziga cyatangiye kumunyuraho ibumoso*. Ni nako bitegetswe ku kinyabiziga gikururwa n'inyamaswa gifite akazu k'umuyobozi.

Iyo imiterere y'ikinyabiziga cyagwa ibyo cyikoreye bidatuma akarebanyuma kari ku kazu k'ikinyabiziga gashobora gukora neza umurimo kagenewe, uturebanyuma tugomba gushyirwa kuri buri rubavu rw'ikinyabiziga.